



# Medi 23ain, 2018



Emlyn Davies fydd yn arwain ein defosiwn y bore 'ma, gyda Lowri Roberts yn llywyddu a Rhiannon Humphreys yn cyfeilio. Diolch iddyn nhw i gyd.

## Y Suliau Nesaf

Medi 30ain - Geraint a Caroline Rees  
gydag Eleri Huws yn cyfeilio

Hydref 7fed - Cwrdd Pentref dan  
arweiniad Pentyrch

Hydref 14eg Y Parchg Aled Edwards gyda  
Wyn Jones

Hydref 21ain - Sul y Cynhaeaf gyda'r  
Ysgol Sul

Hydref 28ain - Gethin Rhys gyda Helen  
Prosser

## Merched y Tabernacl

Tachwedd 9fed

Mae'r bws i Lamed yn llawn!

Da clywed bod Carys Davies wedi gwella'n dda ac yn ôl yn ein plith ar ôl llawdriniaeth yn ystod yr haf.

## CASGLIAD CYMORTH CRISTNOGOL 2018

Cyrhaeddodd casgliad yr ardal £3,350 eleni, yn cynnwys £1,700 gan gasglwyr y capel yn Efail Isaf. Diolch yn fawr i bawb am eu help.

## FACEBOOK

Mae gwybodaeth reolaidd am y capel ar ein tudalen Facebook a [www.tabernacl.org](http://www.tabernacl.org)

## APÊL MADAGASCAR 2018

Mae apêl Undeb yr Annibynwyr Cymraeg eleni'n anelu at godi £200,000 i helpu Madagascar, un o wledydd tlotaf y byd. Bydd yr arian yn cefnogi prosiectau i ddarparu lloches i ferched bregus, meddygfa a deintyddfa i bobl anghenus, cartref i blant amddifad, a chynllun i hyfforddi gweinidogion i ddysgu'r bobl sut i dyfu mwy o gnydau er mwyn lliniaru problemau diffyg maeth.

Daw'r apêl i ben ym mis Mehefin 2019, a'n gobaith ni fel capel yw casglu £30 gan bob aelod dros y flwyddyn. Erbyn diwedd mis Medi bydd amlenni pwrpasol ar gael i bob aelod gyfrannu yn ôl eu dymuniad, a chyflenwad i gyfeillion yn ein plith sy'n awyddus i gefnogi. Mae croeso mawr i unrhyw un drefnu achlysur fel bore coffi hefyd, i chwyddo'r coffrau.

Byddai'n braf anelu at godi dros £5,000 fel coron deilwng ar ymdrechion gloyw Merched y Tab i groesawu'r bobl o Fadagascar fu yma yn ystod dathliadau'r daucanmlwyddiant ym mis Mehefin.

## CYLCH CADWGAN

Nos Wener 5 Hydref 2018 am 8.00pm

EMYR DAVIES

yn siarad ar y testun:

'Trosi Cerddoriaeth Gorawl'

yn Y Ganolfan, Tabernacl, Efail Isaf

*Cydnabyddir cefnogaeth Llenyddiaeth Cymru*

## CYFAMOD EGLWYSIG Y TABERNACL:

'Rydym yn gymuned o bobl sydd wedi ymrwymo yn wirfoddol i geisio tyfu gyda'n gilydd mewn dealltwriaeth a gallu i ymarfer dysgeidiaeth ac ysbryd yr Iesu

### Heddwch yn y Ddinas


Yn ystod wythnos yr Eisteddfod Genedlaethol ym Mae Caerdydd eleni fe lansiodd llawlyfr dwyieithog *Heddwch yn y Ddinas*, wedi ei ysgrifennu gan Jon Gower a'i gyhoeddi ar y cyd gan Undeb yr Annibynwyr Cymraeg a Chymdeithas y Cymod. Mae'r llyfryn deniadol hwn yn tywys y darlennydd o amgylch lleoliadau yn ardal Caerdydd sy'n ymwneud â heddwch a heddychiaeth. Pris y gyfrol yw £5. Os nad ydych eisoes wedi ei brynu yna mae modd archebu copi trwy roi eich henw i Rowland Wynne naill ai ar ddiwedd yr oedfa heddiw neu mewn neges e-bost ([marian.rowland@btinternet.com](mailto:marian.rowland@btinternet.com))

### SWPER CYNHAEAF

Mae na fwriad i gynnal swper cynhaeaf yn neuadd y pentref yn syth wedi'r gwasanaeth cynhaeaf ar Hydref 21. Os allwch chi helpu i ddarparu cawl / roliau / caws / pwdinau / diodydd, yna byddai'n braf clywed gennych chi. Fe fydd tocynnau ar gael i'w prynu maes o law gan aelodau'r Ysgol Sul a'r Twmiaid.

## CYFAMOD EGLWYSIG Y TABERNACL:

'Rydym yn gymuned o bobl sydd wedi ymrwymo yn wirfoddol i geisio tyfu gyda'n gilydd mewn dealltwriaeth a gallu i ymarfer dysgeidiaeth ac ysbryd yr Iesu.



### CASGLU

Bydd casgliadau dillad, nwyddau a thrugareddau ar gyfer **ADREF**, a chasgliadau dillad isa a dillad tywydd gwlyb i blant yn eu harddegau ar gyfer **NANTGWYN** yn parhau, wrth i'r angen gynyddu dros fisoedd y gaeaf.

Fe fyddwn ni hefyd yn eich gwahodd i adael dillad ac offer - mawr a bach - ar gyfer babanod ifanc yn y capel, er mwyn cefnogi **CWTCH**, elusen sy'n cydweithio gydag ymwelwyr ieuchyd a gweithwyr cymdeithasol i helpu mamau anghenus, ac wedi ei lleoli mewn warws yn Ffynnon Taf.

Gofynnwn i chi labelu'r bagiau fel ein bod yn eu danfon i'r elusen benodol.

Diolch yn fawr i chi am eich cefnogaeth bob amser.

### Rhybudd Perygl

Nid yw'r fynwent yn gwbl ddiogel ac yn arbennig felly i blant chwarae ynddi. Felly apelwch ar rieni, athrawon yr Ysgol Sul ac eraill i wneud yn siŵr bod y plant yn eu gofal yn cadw draw o'r fynwent rhag iddynt gael niwed.